

Hopi mayor ta uza mucha pa tuma venganza di otro, esaki ta abuso emocional

Ta existi negligencia emocional tambe na Aruba



ORANJESTAD (AAN): Tur menor ta pasa den nan fase pa asina nan por bira un bon adulto. Segun Magalis Hunt Kusmus ta director interino di departamento sostiene mi un negligencia emocional ta na momento cu e mayor no manda e mucha school y tene e mucha na cas scondi. Emocional mente e menor ta bira un persona cu no ta haya educacion ni na cas y tampoco na school.

Si un mayor no ta siña su yiu nan manera y tampoco no



ta siña nan kico ta etica y normanan na cas tambe ta negligencia emocional. Si un mayor no ta yuda e mucha bay school of tampoco no ta percura pa e haci su huiswerk y tampoco no ta bay nochi di informacion na school tur esakinan ta significa

cu emocional mente e mayor ta tene e mucha deprimi. Hopi bi-aha tambe tin casonan cu mayornan tin problema cu otro y ta stroba e menor tin contacto cu esun cu a bay for di cas.

E mayor cu ta keda cu e mucha ta hunga cu e emocion di e mucha di prohibi e menor di wak su mayor dies paso nan tin e problema. E mayor cu tin e mucha ta uza e mucha pa su venganza. Esaki ta netamente e situacion cu e mayor cu tin e mucha ta perhundicando e menor y ta haci abuso emocional mente riba dje. Keda sin duna cariño tambe ta negligencia emocional. Hopi biaha un menor ta bin pidi un mama algo y e mama ta druk riba telefon y no ta duna e mucha e atencion cu e tin mester of e ta pura, tin dolor di cabes.

Tur e puntonan aki ta negli-

gencia emocional cu un mayor por duna e menor. Pesey ta hopi importante pa un mayor tin sosten di su famia pa nan por yuda otro pa e mucha por lanta den un ambiente sano. Asina cu e mucha haya un edad cu e mes por scoge pa su mes e trabao di e mayor a termina y por trata e situacionnan di un otro manera debi cu e mucha mes por scoge su escogencia nan y tambe por yuda su mes. Sinembargo semper bay e hoben por bin back y pidi conseho pa su decisionnan cu e ta pensa cu el a scoge bon.

Aki ta caminda cu e mayor sur rol tey back pa duna su yiu conseho pa por yuda e hoben scoge un miho direccion den su bida. Un mayor semper ta keda un mayor y semper e yiunan lo bolbe back pa cualkier pregunta y circunstancianan cu e ta haya den bida. Ser mayor no ta facil, pero na momento cu e scoge pa ta mayor tin un deber na dje. Mayan cu e yiu mester haya yiu y si abo como mayor a siña e mucha e patronchi bon e lo haci mes un pasonan cu su propio yiu y asina e circulo lo keda.